

250.13
138
部三二

南昌府志

第三十二冊

卷五十一至五十三

人物志

武功 隱逸

方伎 寓賢

南昌府志卷五十一

人物

武功

漢

陳夫乞秦二世元年劉項起夫乞萃徒蜀水之北築壇絕
嶽以祭黃帝蚩尤寨於山之陽沛公入關夫乞率其徒及
之扛里從下咸陽後以都尉擊羽將軍定燕高帝六年論
功封高胡侯邑千戶孝文五年薨諡忠侯子程襲爵薨無
後國除後鄉里卽其壇立高胡侯廟以祀之水旱疾疫禱
皆應千五百餘歲血食不絕有漢永平二年斷碑可辨有

幸元龍高
胡壇記

按夫乞見漢書功臣表不言何地人宋幸記據漢碑以

南昌府志

卷五十一

人物

歷代武功

爲豫章舊志失載今採補

南宋

胡藩字道序南昌人少孤居喪以毀聞太守韓伯見之曰
此子當以義烈成名辟參郗恢軍事省外兄羅企生於江
陵因說荊州刺史殷仲堪曰桓元意趣不常節下崇待太
過非將來計仲堪不悅後元襲仲堪果敗企生以附仲堪
及禍元以藩參軍事武帝起兵元戰敗出奔藩追及元於
蕪湖元見藩喜謂張須無曰卿州故爲多士今復見王脩
武帝素聞藩直言於殷氏又爲元盡節召參鎮軍軍事從
征慕容超超軍屯聚臨朐藩言於帝曰賊屯軍城外留守
必寡今往取其城而斬其旗幟此韓信所以尅趙也帝乃
遣藩與檀韶潛往卽尅其城從攻盧循循走豫章立柵左



里藩破其柵循單舸走眾皆降帝攻司馬休之復以藩爲參軍領遊軍於江津休之臨馬頭岸置陣岸峭壁立數丈藩以刀頭穿岸岸少容腳指於是徑上隨之者稍多及登殊死戰休之遂敗走伐秦之役藩統別軍至河東暴風漂輜重艦度北岸魏軍牽得之藩氣憤率左右乘小船徑往河北射退敵騎盡收所失而反藩又與朱超石追魏軍於平城魏騎數萬合圍藩等所領不盈五千力戰大破之還參相國軍事帝受晉禪藩累官太子左衛率卒諡壯侯子西陽太守隆世嗣

南史本傳

梁

胡紹世譜之宗人梁歷陽太守普通六年從豫州刺史裴邃北征與譙州刺史湛僧智南譙太守魚宏晉熙太守張

南昌府志

卷五十一

人物

歷代武功

二

澄並爲世之驍將

胡元秀紹世宗人嘗爲錢塘新城軍主沈約表薦於朝云伏見胡元秀早歲馳驅意幹強果矛盾之用氣凌百夫若置之六師之間處之一旅之上必能前奮曠敵卻沮強虜按胡紹世元秀舊志未載今據梁書夏侯亶傳及藝文

類聚採補

宋

余卞字洪範分甯人以任子恩試校書郎博學多大略累爲唐州判官湖北安撫司勾當機宜文字尋知沅州先是父良肱常爲鼎州推官五溪蠻叛良肱運糧境上周知其利害上書議棄其地就而撫之未果行及是復叛殺沿邊巡檢斷渠陽道拒官軍不得進卞適使湖北帥唐義問卽

授卞節制諸將爲設方略陰選死士三千人夜銜枚繞出賊背伐山開道竟入渠陽黎明整眾出賊大駭盡銳來戰奮擊大破之斬首數千級蠻遂降有詔廢渠陽軍爲砦盡拔居人護出之紹聖初論棄渠陽罪免歸徽宗初起管勾玉隆觀未幾復渠陽爲靖州又論前事免終於家其弟爽亦尙氣自信不少貶以合世爲瀛州防禦推官後與卞俱入元祐黨籍

宋史余良朋傳末

湯執中字季權武甯人少有志略建炎閒上書宗澤言防禦機要諸務澤才之留置軍中時巨寇王善擁眾七十萬將犯京城執中陳策夜入賊營諭以禍福又說賊張用按兵不動澤單騎馳至遂解甲降及二賊復叛據淮甯執中畫策大破之奏補沿江幹辦官已而力辭歸里養親以自

南昌府志

卷五十一

人物

歷代武功

三

遂紹興初岳飛討李成知執中名檄執中與冷洙禦之執中同洙弟冲會兵攻城數戰皆捷飛手錄軍功真蹟執中遂優游林下不復出

舊志

葉榎字國材武甯人紹興閒岳飛提兵入洪都榎以進士杖策軍門獻攻取之略岳與語大喜命之隨軍多有裨助岳甚重之官廣東經略司幹官後詣闕條陳八事召赴都堂與時論齟齬遂棄綬歸隱卒陪祀岳飛廟兄梟字季實以貢授和州教官有才不遇而卒

舊志

李生者南昌人逸其名素好義每歲稔積穀社園歉則和糴平準里人賴之世亂集義勇以衛一方紹興閒李成寇饒生瞰成出率眾屠成家成反縛生錮於火神廟將以祭其孥夜半守者熟寢廟中神忽自座起擲劍開生縛雞鳴

生脫走從筠州入楚迎岳飛兵討成大破之飛表生行軍長史不就人名其居爲李君子巷

舊志

冷滌字彥澗武甯人紹興閒以邊功補迪功郎又從團練使劉紹先討吉寇陳和陷陣轉戰而出有功授天長知縣

舊志

葉爽武甯人紹興初興兵佐縣官補進武校尉岳飛經略中原爽居幕下參佐軍務討楊么於湖南轉成忠郎

舊志

孫文柔字思善豐城人遇事慷慨不避患難建炎初寇兵充斥柔糾集義兵手射卻賊將合里無一人受禍者以功

調瑞金尉

舊志

余玠字義夫分甯人僑寓蘄州少爲白鹿洞諸生入趙葵幕爲制置司參議官嘉熙閒與元兵戰於汴城河陰有功

南昌府志

卷五十一

人物

歷代武功

四

授直文華閣歷四川安撫制置使至蜀招賢禮士與之謀議修築要害城陣屯兵聚糧爲必守計旋率諸將直搗興元與北兵大戰於嘉定利州都統王夔號王夜叉素殘悍不受節制聞玠至以所部來謁班聲如雷眾皆失色玠部分自若夔退曰儒者乃有此人尋設策召夔計事斬之軍中帖然會戎州帥欲舉統制姚世安爲代玠不許世安倚宰執內援遂以微罪中玠召還齎志而歿

省志

冷冲武甯人與兄澄洙會湯執中端禮等禦李成之亂率兵力戰岳飛壯之

舊志

元

胡明甫南昌人至正閒江西寇起行省平章道童於龍興路城內四廂廂設一官列巷各置一長又編民兵爲十七

屯環列城上與廂巷之兵相爲聲援明甫以才能選任廂官壬辰斬黃賊鄒普勝擁眾圍龍興城明甫協助城中堅守屢出奇縛賊賊遂敗去以功授奉新尉陞龍興路判省志曹大賚字先善新建人幼讀書粗解文義喜青烏家言西山百里內履跡殆遍自負膂力愛騎射至正十二年徐壽輝遣僞將鄒普勝等攻圍隆興瑞州饒州吉安等路勢甚猖獗行省募兵捍禦大賚以鄉勇應募左丞相亦憐真班詢以西山要隘喜甚以良馬與之檄授隆興路新城鎮巡司兼管西山諸寨營務眾皆附之火尼赤復瑞州立義兵千戶以舊募鄉勇充之許隸大賚所轄後陳友諒乘夏漲抵隆興水軍戰不利絕援友諒據江西省治遣王奉國陷瑞州大賚仰天歎曰已矣吾無能爲役矣棄官歸友諒使

南昌府志

卷五十一

人物

歷代武功

五

人微之遁蘇溪嶺不復出

舊志

舒慶遠字伯原靖安人嗣隆子至正進士授贛州學正調主濂溪書院未赴紅巾盜起攻靖安慶遠迎監縣潮海倡義拒敵潮海從之乃繕兵儲糧召募勇敢爲固守計潮海敗死省府卽署慶遠攝縣事自是每寇至輒偕鄉進士胡斗元塗淵勇士黃雲與戰卻之寇忿甚合圍益急慶遠力匱被執中途脫歸卒祀鄉賢

省志

胡智伯號致軒進賢人至正間紅巾賊亂立寨黃家莊保障鄉里民賴以全

舊志

李用賢字怡白南昌人元政不綱羣盜蜂起用賢招集義兵保衛鄉邑全活甚眾行省上其事於朝授隆興守禦千戶陞武略將軍

舊志

姜志和字復初南昌人讀書知大義至正之亂紅巾寇自江東入鄱陽湖竊據進賢出入青嵐湖志和居沙湖去青嵐湖不遠召集義旅受命藩府屢戰克捷一方賴以乂安比授以職固辭弗領逍遙林泉以終

縣志

陶以禮字用和進賢人壬辰寇亂軍民官等相見問計以禮請乘夜往襲賊巢擒諸魁帥併其黨羽同謀十數人誅之然後曉以大義慰諭反側人情乃安既而鄰縣降逆復叛惟境內帖然無事眾益信其明決

縣志

尚從義字克明進賢人元至正十年紅巾起散家貲聚壯士與樊明仲同時起義護桑梓無何賊大至從義調集鄉兵爲守禦計度南路有明仲足保北山賊必乘趙圍空虛以攻北路乃伏兵烏溪汎待之已而賊果登岸擄掠乃遣

南昌府志

卷五十一

人物

歷代武功

六

善泅者潛鑿賊舟身率精銳迎戰賊敗登舟至江中水湧大亂義隨擊之殺戮無算復率兵援北山亦大勝平章道童公以便宜授義巡檢後明仲戰死義卒以勇畧自全封武威將軍今趙圍數十里父老猶記其姓字云

縣志

萬俊可進賢人少負才畧至正間紅巾賊起邑陷於寇省臣委脫歡外救時俊可已率鄉兵拔邑定之未幾辟爲宜黃縣尉辭不受脫歡欲殄餘民乃率葉均等訴民註誤乞賞其死由是餘民歸順如獲更生咸愛戴之

縣志

徐彥思字默行進賢人元末陳友諒陷江西豐城有奸民李明道聚眾擄掠彥思與姪孔昭團練鄉勇爲備禦計一日其黨來犯彥思率眾大敗之於白湖嶺鄉里賴其保障後江西平彥思隱居不出自號桃源隱逸

縣志

揭汝字伯坊富州人後斯子善書工古文詞以廕補祕書郎遷國史編修官福建廉訪司使守建甯僞漢陳友諒兵寇松關建甯受圍吏民相繼出奔汝與經略使普顏不花協謀禦賊復延平等三州改江西行省未赴以工部郎中召時淮浙道梗留家慈谿與子樞浮海趨遼東爲倭寇所掠同舟皆遇害獨汝父子得免明兵下都城大將驛送於朝安置浙東慈谿縣既而召往鳳陽書皇陵碑事竣賜白金五十兩

舊志

冷啓濱字志文武甯人善騎射至元戊寅陳胡寇武甯從兄應箭討之賊設山寨壘石爲下壓計濱與官軍負木進攻迫賊發石濱以所負木倚山抵石破之賊又射濱中膝濱拔矢而馳賊乃敗走

舊志

南昌府志

卷五十一

人物

歷代武功

七

楊以忠南昌人因寇亂領義士守禦十餘堡賊不敢犯歿鄉人築芙蓉臺祀之

縣志

方珉字志宏甯州人元季盜賊蜂起一家五百餘口相繼陷沒獨珉脫身鋒鏑中憤懣不平由是率里之右族聚兵相衛縣尹聞其能乃檄鄉眾各執戈甲聽其約束卒成保障之功有司白於上乃詔封萬戶侯

州志

明

金旭字伯燿進賢人通俠好施元末紅巾賊起鄉人推爲帥與子德宏德毅及同里羅捉龍趙捉馬等立寨自固境內以安太祖戰鄱湖遣趙捉馬饋羊千頭聞陳友諒死曰眞主出可釋甲矣遂散歸農後命使錄旭旭已死乃官其子指揮使趙捉馬亦隕於賊贈官

舊志

周維翰字時憲甯州人少穎敏博學強記年十四領江西鄉薦元季兵亂集鄉兵保中峯砦明兵至九江率眾歸附隸都督曹幕下曹見而奇之有所往輒攜以自隨一日集朝士置酒高會出老婦騎牛吹笛圖卽席索詩維翰口占一絕云楊妃血濺馬嵬坡出塞昭君淚更多何似阿婆牛背穩西風一曲太平歌曹擊節稱賞以疾歸

舊志

陳良字文貞甯州人元時爲都尉與兄文顯率眾歸附戮力効用從主帥由安陸襄陽抵永州全州興安靈川靖江平粵由潭州平沁水出太原取大同至鹿臺陝西唐鄧蘇寨孟陂克平之功皆預焉授武德將軍武昌衛管軍正千戶尋陞明威將軍金吾前衛指揮僉事卒於家

舊志

陳龍一名隆字文顯甯州人元季邑有劉姓兄弟暴劫鄉

南昌府志

卷五十一

人物

歷代武功

八

邑龍父均祿爲其所殺因痛憤率族子弟募義士報仇殺賊殆盡結堡於州之泰鄉號人和寨鄰邑聞而趨附至萬餘人太祖平龍興路龍遣弟陳良奉表以甯州奉新靖安武甯德安歸附授武昌衛指揮僉事轉龍驤衛指揮同知洪武四年征開平卒於軍

舊志

胡宗武字義翁甯州人敬方孫少儻任俠有祖父風至正間紅巾倡亂連陷州郡時天完軍裨將陷甯州歐普祥陷袁州壬辰陶九再陷新昌民苦兵火眾推宗武爲主武乃與新昌鄒用中毛忠吾毛性吾等於逍遙山下南瑞界要害處立古陽大寨分守箕谷搖籃石陂等寨彼此相援屢敗賊兵追奔數十里地方頗以保全後太祖幸隆興聞之勅爲提舉

州志

熊彥迪字子善南昌人洪武十二年舉人才上疏條陳二十事帝嘉納之授福建古田縣谷口巡檢古田民多逋彥迪請行計畝法除浮額千餘金永福寇章振據桃花洞僭稱王官兵屢勦皆潰彥迪期以旬日破乃率兵與賊戰彥迪獨乘勝爭先忽流矢中臂眾皆驚欲掖之還彥迪呼曰此擒賊時也不可失策馬復入眾隨之斬獲千餘賊首就擒寇遂平捷聞擢中城兵馬司指揮終以矢瘡卒葬古田先是彥迪在福建建虎溪寨人德之爲立祠置祀田其處歲時祭之

舊志

毛倫字天敘豐城人景泰進士授監察御史倭寇荆襄嶺南奉勅督兵討平之後以奏劾忤權貴出爲福州知府尋陞按察使丁父憂歸卒於家

舊志

南昌府志

卷五十一

人物

歷代武功

九

劉佑字邦甯進賢人任廣州通判時有寇亂奉檄勦除羣盜竄逸復征姚源寇至卽聞風解散臺司交薦因病足致仕

省志

陳鳳岐字庭安甯州人性孝友父母歿植紫荆樹於墓成化壬辰劇寇羅萬珪聚眾爲患鄉邑震恐侍郎原傑檄鳳岐督捕鳳岐募敢死士躡賊踪至湖湘縛其魁以歸

舊志

周季珊甯州人爲州掾正德癸酉華林瑪瑙賊起以州守命督義兵守毛竹山一年寇不敢犯宸濠將叛應募詣京師上變倍道奏聞嘉靖初武鄉賊蔓延復承命統兵五百人討之擒其魁熊舍人等斬首百餘級招撫脅從賊遂潰後給冠帶族弟季翔亦以孝義聞

舊志

譙廷詔字汝宣南昌人道行子嘉靖癸卯舉人英德知縣

嘗招撫獯寇有靖亂功歷任工部屯田司郎中祀英德名

宦祠

縣志

萬敏字欽夫南昌人嘉靖進士任太倉知州崇明有大慝王秦沈三人利私嗾而猖獗海上敏單舸詣縣召沈至榻前款諭之且泣且受命王秦負險弗順將謀不利於敏亟浮海入州城會上命湯帥勦諸海寇敏午治樓櫓至夕三百艘畢具戰卒凡三千人牛酒之犒咄嗟而辦將士咸大悅會戰湯帥以巨艦六十乘風而進敏殿之瞬息達崇明捕斬無算敏慮其妄殺也矯中丞令大呼曰生擒者賞首級者勿論師中擒二千人械送至訊釋平民千八百餘人得劇盜百七十人置之法歷襄陽同知遷貴州僉事備兵畢節安萬銓者貴州大酋也擁眾自雄傲睨不拜表敏下

南昌府志

卷五十一

人物

歷代武功

十

檄數其罪銓佯謝邀入其部敏笑而許之凌晨乘傳馳數舍疾抵銓所銓大驚率眾拜謁者以萬計敏開陳曉諭銓感泣由是受約束拜表如故居畢節三年御史疏其才陞貴州布政司參議致仕

舊志

楊文明字仲謨南昌人嘉靖進士任四川南道參政萬歷初九絲蠻亂巡撫曾省吾督師往討文明監其軍大將劉顯破九絲險砦生擒阿謝王阿育王等文明計畫爲多省吾以聞賜文明白金文綺以褒之

舊志

吳金字礪伯豐城人嘉靖間任建甯知縣湖汀賊蠭起練鄉兵固守每戰輒斬獲奪回所掠男婦甚眾

舊志

徐一文字章甫甯州人萬歷選貢任岑溪知縣地近猺境有八十三山以私憾格鬪因爲亂都督童元鎮檄令率兵

勦之獲渠魁潘卽善一文不殺令之招撫亂乃定薦擢工部主事以言忤執政遂解綬歸

州志

張臬字正野進賢人嘉靖進士授刑部主事以事謫靈川縣丞稍遷甯國同知歷閩蜀秦楚藩臬拜右副都御史巡撫四川值五酋稱兵謀陷敘州臬檄所部兵討之賊擁長矛被濕絮列巨牛爲陣臬令揭竹爲竿造礮五百火箭千束擊之無不斃者賊盡奔木頭寨臬又置樓櫓併火箭攻之改奔石城寨鳥道十餘里四隅壁立亡先登者臬曰此可計而取之也乃下令盜中能捕首目一人者得免死有武生劉顯者南昌人署爲先鋒獲其土官安得祿盜眾悉降臬時已拜南司寇佯言當班師賊果怠擒之入留都適倭寇張甚或傳將圍通州犯瓜潤留都大恐臬曰此綴兵

南昌府志

卷五十一

人物

歷代武功

士

法耳禍其在揚州乎已而果然初劉顯累建奇績臬言之大司馬張鏊檄爲南京水軍守備未幾以副總兵滅倭賊於長江識者推其將將之功焉擢兵部右侍郎提督廣西軍務大盜張璉稱號僭亂流毒三省臬同平江伯陳王謨討平之捷聞進都察院右都御史俄命總督閩廣軍務歸老鍾陵卒祀鄉賢

舊志參縣志

樊袞字一章進賢人嘉靖己酉貢士授福州司訓正德己卯濠變遣僞將王祿率部黨來袞具衣冠迎餞之厚饌誘以重賄諭族眾曰事論順逆不論利害謀醉祿而縛之會令劉源清號召義兵乃械送祿於邑斬於市自是人知大

義邑賴以全

縣志

劉顯號草堂南昌人生而膂力絕倫稍通文義家貧落魄

之叢祠欲自經神護之不死間行入蜀爲童子師已旨籍爲武生嘉靖三十四年宜賓苗亂巡撫張臬討之顯從軍陷陣手格殺五十餘人擒首惡三人諸軍繼進賊盡平顯由是知名官副千戶輸貲爲指揮僉事南京振武營初設用兵部尙書張鏊薦召令訓練擢署都指揮僉事僉書浙江都司遷參軍分守蘇松倭犯江北逼泗州鏊檄顯防浦口顯測賊將遁追擊至安東方暑披單衣率四騎誘賊伏精甲岡下賊出斬一人所乘馬中矢下拔其鏃射殺追者誘至岡下大敗之賊出所俘女子蠱將士顯悉送有司明日伺賊出潛燬其舟賊敗走舟舟已焚死者無算顯進秩三等尋遷副總兵協守江浙三沙倭復劫江北被圍於劉家莊顯以銳卒數千至巡撫李遂令盡護江北軍顯率所

南昌府志

卷五十一

人物

歷代武功

三

部直入諸營繼之自辰迄酉賊巢破逐北至白駒場茅花墩斬首六百有奇賊盡殄而遂調賊由三沙來實盧鏜及顯罪顯坐停俸已應天巡撫翁大立薦顯驍勇請久任帝可之振武營兵變後諸將務姑息兵益驕給事中魏元吉薦顯署都督僉事節制其軍顯挈蜀卒五百人往一軍帖然閩賊流入江西大掠石城臨川東鄉金谿殺吏民萬計詔顯赴勦擊敗之陽湖賊乃遁四十一年五月廣東賊大起詔顯充總兵官鎮守會福建倭患棘顯赴援與參將戚繼光連破賊賊略盡而新倭大至攻陷興化城顯以兵少逼城未敢戰被劾戴罪賊以間攻據平海衛他倭劫福清謀與平海倭合顯及俞大猷合於遮浪盡殲之平海倭欲遁爲把總許朝光所邀敗乃盡焚其舟退還舊屯戚繼光

亦至顯與大猷共助擊之遂復興化錄功進先所廢世職
二秩江比倭未平廷議設總兵官於狼山統制大江南北
改顯任之顯行部通州以敕書許節制知府以下而同知
王汝言不爲禮劾奏鐫其秩已移鎮浙江顯有將略居官
不守法度巡撫御史劾之革任候勘用巡撫劉畿薦命充
爲事官鎮守如故隆慶改元以軍政拾遺被劾貶秩視事
用巡撫谷中虛薦還故官移鎮貴州廣西猥賊者念父子
僭稱王攻剽安順巡撫阮文中檄顯勦俘斬五百餘人四
川巡撫曾省吾議征都掌蠻令顯移鎮其地復被劾罷省
吾奏留之都掌蠻者居敘州戎縣介高珙筠連長甯江安
納溪六縣閒古瀘賊也成化初爲亂程信討平之正德中
普法惡復爲亂馬昊討平之至是其酋阿大阿二方三等

南昌府志

卷五十一

人物

歷代武功

三

據九絲山剽遠近其山修廣而四隅峭仄東北則雞冠嶺
都都寨凌霄峰三岡峻壁數仞有阿苟者居凌霄峰爲賊
耳目威儀出入如王者省吾議討之屬顯軍事故將郭成
安大朝爲佐調諸土兵合官軍凡十四萬人萬曆改元三
月畢集敘州誘執阿苟攻拔凌霄進逼都都寨三酋遣其
黨阿墨固守官軍頓匝月鑿灘以通漕擊斬阿墨拔其寨
阿大自守雞冠顯令人誘以官而分五哨盡壁九絲城下
乘無備夜半腰絙上斬關入遲明諸將畢至阿二方三走
保牡豬寨郭成破雞冠獲阿大諸軍攻牡豬禽方三阿二
走追獲於貴州大盤山克寨六十餘獲賊魁三十六俘斬
四千六百拓地四百餘里得諸葛銅鼓九十三銅鐵鍋各
一阿大泣曰鼓聲宏者爲上可易千牛次者七八百得鼓

二三便可僭號稱王鼓山巔羣蠻畢集今已矣鍋狀如鼎大可函半刻畫有文彩相傳諸葛亮以鼓鎮蠻鼓失則蠻運終矣錄功進顯都督同知已而勦餘孽復俘斬千一百有奇都掌蠻既滅顯引疾求去而以有司阻撓爲言詔聽顯節制顯益行其志擊西川番沒舌丟骨人荒諸砦斬其首惡撫餘眾而還建昌傀儡洗馬諸番咸獻首惡西陲以甯九年冬卒於官子綖自有傳

明史本傳

縣志跋劉少保外傳顯少貧漫游西川衛使劉岷感黑虎之夢翼日見顯阜衣假寐當虎處遂館以爲上客久之相得如父子因以劉姓仕本家譜載顯嘉靖癸卯武解元志不載

陶明通字白夫進賢人任敘州府通判值土司奢寅亂變

南昌府志

卷五十一

人物

歷代武功

西

起倉卒直逼敘州明通兼府縣篆堅守八十餘日屢挫奢兵力絀乃解圍去

舊志

劉大定本姓龔南昌人崇禎壬申以禦進賢流賊有功授廣東南雄軍民府守備累官淮安參將

舊志

熊國徵字象賓南昌人崇禎戊辰武舉監軍某壯其勇留營佐軍務庚午恢復灤州永平遵化遷安四城授遼東衛指揮陞登州參將入夏颶風陡發賊艘集內洋國徵水陸皆設伏兵而親出大洋率舟師以火攻賊不能當登岸伏兵竝起擒其魁餘黨悉平晉護國將軍都督副總兵甲戌流寇起陝西國徵以副總兵管總兵事往勦至鄭州與賊戰失利裹創復出賊方飯一鼓殲之事聞加榮祿大夫後軍都督同知時張獻忠陷襄陽與李自成相犄角國徵議

請檄川陝豫楚兵四面會勦經略楊嗣昌格其議遂告病歸

舊志

朱統鎮系出瑞昌郡王孫某爲鎮國將軍當宸濠反時將軍不從及濠伏誅而將軍封世不絕五傳至謀主統鎮父也統鎮始棄爵爲諸生崇禎十年成進士選知江夏縣在任四年以守禦爲急江夏城廣周三十餘里鎮爲增修蓋計賊窺城必先窺江而沿江數百里可竊渡者各就對岸設防令相呼應若漢口以上宗三廟潰口則宜拒守下水路則黃花埠油湖澗口伍渚口陽邏當立聲援陸設保棚水列竹簾上施拒馬機器伏弩禁賊舟不得順流近岸其城內則分爲十二營城西北外近江分五營東北城倚山立濠東門外建立大關兵一營南二大營建石關於漢陽

南昌府志

卷五十一

人物

歷代武功

五

門外曰比關保安門外曰南關包羅臨江五門招致武士親教技擊習水師間語其子議霽曰流賊徘徊穀城志且在武昌吾欲因守禦練成一旅可以制江之上下則大江以南安枕無慮矣未幾卒諸務漸廢後二年流賊果入武

昌

縣志

縣志跋云宋未有江人事載朱統鎮南昌宗室任鄖陽司理與城守王光恩并力殺賊實守三年乙酉李闖大敗於陝西進兵由興安抵鄖陽王光恩却統鎮開門迎降統鎮不屈大兵繫之舟中伏舟南下不知所終與此傳迥然各別又谷應泰明史紀事本末云浙江永康知縣朱露上言有司科罰攫取撫按不以聞上命申飭各官援露吏科給事中改名統鎮亦與此傳出處不合豈

當時有三統鎮耶抑傳聞之誤耶

羅斌字三有武甯人明諸生崇禎末荒旱斌率鄉人白令
令方急催科鄉人大噪令以變聞將移兵討之斌鳴於撫
軍得白時鄧雲龍禍武甯劫斌至麾下同邑張姓族大忤
雲龍雲龍欲屠之斌密令避去得免雲龍又擒菖蒲山劉
氏索餉嚴急斌請釋歸取金既釋斌乘閒遁歸集鄉人扼
隘固守雲龍懼而退

舊志

譚國禎新建人崇禎癸酉武舉流賊犯開封國禎以都司
隨布政使梁炳守東門賊不克而去後隸史可法麾下官
狼山鎮總兵練習營伍抵禦倭寇會勦流賊不辭勞瘁甲
申後歸老於家

舊志

縣志跋云國禎任狼山時簿冊自敘初守燕薊次守臨

南昌府志

卷五十一

人物

歷代武功

六

濟再守大梁楊志云譚國禎以副總兵鎮汴預製木筏
力救周藩敘功陞三級提督狼山總兵海氛頓息晉都
督同知駐龍潭總領水陸軍務

劉繼遠字仁宇奉新人崇禎閒官豐縣主簿流賊充斥縣
令以憂去繼遠言於直指使者請移老弱於河南招募丁
壯爲固守計直指壯其謀檄攝令事五月僞帥武懷兵至
豐遣人諭降繼遠斬之懷怒攻益急繼遠以血書求救於
軍門遂擒懷及僞官范道顯等事聞授豐縣知縣後閒道
走淮南授史可法卒無所就聞史徇難遂南歸

舊志

帥萬全字益寰奉新人崇禎十五年邑賊李肅十等爲亂
劫掠諸縣勢甚猖獗與安義靖安合兵進勦不克賊勢益
振萬全請於兵備道願得百金爲閒當立致賊首許之乃